

本草集要中部卷之四

木部

桂君味甘辛氣大熱有小毒入手少陰經桂枝

入足太陽經忌生慈生桂陽採皮陰乾九使刮外皮

主溫中利肝肺氣心腹冷痛霍亂轉筋風寒

頭痛腰痛出汗止嘔欬嗽鼻鼈能墮胎通血

脉消瘀血堅骨節治風痺骨攣脚軟宣導百

藥無所畏殺草木毒

牡桂君

味辛氣溫無毒生南海山谷

慈醫節齋子論輯



主上氣欬逆結氣喉痺吐吸利關節補中益氣久服通神輕身不老

菌桂

味辛氣溫無毒

生交趾桂林山谷立秋採無骨正圓如竹

主百病養精神和顏色爲諸藥先聘通使久服輕身不老面生光華媚好常如童子

按三種之桂所出各異爲治亦稍別世俗所用皆單桂也枝條輕薄者爲栝枝宜入治頭目發表散風寒仲景救表用栝枝非以其能斂汗蓋表有風邪故病自汗以栝枝溫榮衛而發其邪邪去則表密而汗自

止正辛甘發散之義後人用桂止汗失經旨矣身幹厚實者爲肉桂宜入治臟補腎氣及下焦寒冷秋冬下部腹痛非此不除刮去麤厚用近裏者爲桂心又有嫩小枝條爲柳桂味淡尤宜入治上焦藥及橫行手臂桂雖有小毒亦從類化與空連爲使小毒何施與烏附同用全得熱性冬月與人參麥門冬甘草同用能調中益氣護榮實衛○風頭痛遇天將陰風雨先發者桂

兩爲末酒調如膏

唾血吐血桂心傷末水調下方

十寸中風失音四肢逆冷取一兩以水三升
七取一升服盡取

梔實臣味苦酸鹹氣寒無毒景天為之使十月上巳日採

主五內邪氣熱止涎唾補絕傷五痔火瘡婦人乳癭子臍急痛又墮胎催生吞七粒治丈夫婦人陰瘡濕痒產門痒痛久服明目補腦益氣頭不白延年○梔枝洗瘡及陰囊下濕痒春採嫩枝煨為黑灰以揩齒去蟲○梔白皮味苦主中風皮膚不仁酒煮服之前湯洗五痔男子陰疝疔腫婦人產門痒痛小兒驚

痛壯熱莖葉同又治一切惡瘡爛瘡疥癬煎膏止痛長肉消癰腫煮汁含之治口齒風疔○梔花味苦涼大腸熱治五痔心痛眼赤殺腹臟蟲及熱治皮膚風并腸風瀉血赤白痢並灸用○梔膠主一切風化涎急風口噤或四肢不收頑痺或毒風周身如蟲行或破傷風任作湯散丸煎雜諸藥用之亦可水煮和諸藥為丸

栢實君味甘辛氣平無毒栢實及栢為之使

栢實及栢為之使
栢實者名側栢

主驚悸安五臟益氣血除風濕痺療恍惚虛損吸吸歷節腰中重痛腰腎中冷潤腎燥之藥去頭風興陽道久服令人潤澤美色耳目聰明不飢不老輕身延年○栢葉尤良味苦澁氣微溫四時各依方面採陰乾主吐血衄血痢血崩中赤白尿血輕身益氣令人耐寒暑去濕痺此補陰之要藥性多燥久得之大益脾土以澁其肺作末和油塗之生髮又晉東瘡○栢白皮主火灼爛瘡長毛髮葉同

大風疾眉髮脫落

明葉九蒸九暴搗為末煉蜜丸如桐子大日三

服夜一服熱水下五丸或十九百日再生男女及小兒蟲痢犬腹下黑血如茶脚色或膿血如紫色者葉取

焙乾為末與黃連同煎為汁服之味效

松脂使味苦甘氣溫無毒

六月採通明如乳香者佳

主疽惡瘡頭瘍白禿疥癬風氣殺蟲牙痛少許咬之蟲自死貼諸瘡膿血生肌止痛抽風鍊之令白如玉安五臟除熱胃中伏熱咽乾消渴及風痺死肌歷節風惡風癩疾久服輕身不老延年○松實主虛羸少氣補不足○松葉苦溫主風濕瘡生毛髮安五臟守中不

飢延年切如粟酒服方寸七日三辟瘟疫除
惡病多取青葉搗爛用酒浸七日取酒服治
脚氣風痺不能行及諸歷節風○松節温主
百節久風風虛脚痺軟弱疼痛燥血中之濕
浸酒服○松根白皮苦温主辟穀不飢補勞
益氣○松花拂取似蒲萸久服輕身療病

袞苓

臣

味甘淡氣平陽也無毒入手太陰足太

陽少陽赤者入足太陰手少陽少陰經

惡白

牡蒙地榆樞黃秦炁龜甲忌醋及酸物得松
之餘氣而成者陰乾中有赤筋最損目用宜
去

主腎脅逆氣憂恚驚邪恐悸心下結痛寒熱
煩滿欬逆口焦舌乾利小便水腫淋結膈中
痰水肺痿痰壅調胃氣伐腎邪降肺火益氣
力保神守中久服安魂養神不飢延年

淡利竅其助陽除濕行水之聖藥白色者
補赤色者利又赤者破結氣如小便多及
汗多陰虛者不宜服

其有抱根者名茯神

君

主辟不祥療風眩風

虛五勞口乾止驚悸恚怒驚癇善忘開心益
智安魂魄養精神補勞乏又治心下急痛堅

瀟人虛而小腸不利加而用之

琥珀

君味甘氣平屬陽無毒
松脂所化以手摩

安五臟定魂魄殺精魅邪鬼療蠱毒利小便

通五淋明目摩腎止心痛破結癥瘕血產後

血暈止血生肌合金瘡

丹溪云能利小便以燥脾土有功若血少

而小便不利者反致燥急之苦○栝芩琥

珀二物皆自松出而所稟各異栝芩生成

於陰者也琥珀生於陽而成於陰故皆治

榮而安心利水也

枸杞

味苦氣寒根大寒子微寒無毒冬採根

葉秋採莖實陰乾

主五內邪氣熱中消渴周痺補內傷大勞強

陰益精去皮膚骨節間風腎家風眼赤痛風

痒瘡膜久服堅筋骨輕身不老明目血虛用

之

酸棗

味酸氣平無毒惡防己八月採實陰乾四十日成

主心腹寒熱邪結氣聚四肢酸疼濕痺筋骨

風臍上下痛心虛煩及振悸不得眠盜心志

飲虛汗止煩渴補中益肝氣堅筋骨助陰氣

久服安五臟輕身延年又云膽實多睡熱也
生用茶葉薑汁調服膽虛不睡寒也炒熟竹
葉湯調服

梔子 味苦氣寒味薄陰中陽也無毒入手太

陰經七稜者良炒用

主五內邪氣胃中熱氣面赤酒炮皸鼻白癩
赤癩瘡瘍目熱赤痛血痢挾毒熱下小便赤
澁不利治濕熱發黃加茵陳豆豉治嘔噦加
生薑橘皮治心腹久痛加生薑汁善去心中
客熱虛煩不得眠反覆顛倒心中懊憹又治

大瘧汗下後勞復既亡血亡津液臟腑無潤

養內生虛熱非此不除又能屈曲下行降火

善開鬱治塊中之火丹溪六鬱方中用之

輕浮而象肺色赤而象火故治至高之分

瀉肺中之火用仁去心冒熱用皮去肌表

熱

藥木使黃藥也味苦微辛氣寒陰中之陽降也無

毒足少陰經藥足太陽引經藥惡麩穰二月鮮黃者上凡使用生蜜水浸曬五月採緊厚

乾再用蜜塗慢火炙令蜜盡佳

主五臟腸胃中結熱黃疸腸痔止洩痢女子

漏下赤白陰傷蝕瘡男子莖上瘡煮汁洗屑
末傅之蜜炒爲末治口舌瘡又云配細辛治
口瘡有神功補腎水膀胱不足諸痿厥脚膝
無力癱瘓必用之藥堅腎瀉膀胱熱清小便
降相火治骨蒸勞陰痿洗肝明目鼻衄吐血
下血治虻心痛虛噦虻出小腸虛痛久服通
神○根名檀栢作結塊如茯苓主心腹百病
安魂魄不飢渴久服輕身延年通神

心脾熱舌頰生瘡

蜜炙與青黛一分同爲末入龍腦一字研勻搽

瘡上有涎即吐

竹葉

味苦甘氣平寒陰中微陽無毒

蘆竹淡竹爲上

苦竹次之餘不入藥

主欬逆上氣溢筋急惡瘍殺小蟲涼心經除

煩熱風痙喉痺嘔吐根作湯益氣止渴補虛

下氣消毒汁主風痙實通神明輕身益氣

別云竹實大如鷄子葉層層色粟味甘勝似蜜此鳳凰所食者今結實如小麥子者非

淡竹葉味辛甘氣寒主胃中痰熱欬逆上氣

吐血熱毒風壓丹石毒止消渴○燒瀝味甘

性緣治卒中風失音不語風痺胃中熱狂煩

悶壯熱頭痛頭風并懷妊人頭旋倒地安胎

治子煩除陰虛人發大熱消虛痰盛人氣
虛少食者宜用之又痰在四肢非此不能開
止驚悸溫疫迷悶小兒驚癇天吊莖葉同用
○竹皮茹味苦氣微寒主嘔哕噎膈溫氣寒
熱吐血衄血崩中溢筋○苦竹葉及溼療口
瘡目赤痛明目利九竅治不睡解酒毒下熱
壅作瀝功用與淡竹同

齒間血出

苦竹茹四兩醋漬一宿含之又云以竹葉濃煮與鹽少許含之

卒得惡瘡不識

燒苦竹葉和鷄子黃傅之或取竹茹四爆竹

動或痛

取淡竹壓服之或取竹茹四爆竹五兩酒煎服竹根煮汁亦佳

楮實

味甘氣寒無毒取中子日乾四十日成

主陰痿水腫益氣補虛勞助腰膝充肌膚明

目久服不飢不老輕身○菊主小兒身熱食

不下生肌可作湯浴又主惡瘡生肉又鼻衄

不斷搗取汁飲三升不止再飲良久衄差又

主水利多乾爲末烏梅湯調日再服○樹皮

主逐水利小便可爲紙其紙燒灰酒調服能

止血暈血崩金瘡出血○皮間白汁療癰傳

辟妖氣

有人家爲山魘所祟擲瓦不開戶

旦夜於庭落中若除夕爆竹數十竿至曉寂然遂止

蛇蟲蜂犬咬

山茱萸使味酸澁氣平微溫無毒入足厥陰經

少陰經防已陰乾去核用

主心下邪氣寒熱溫中逐寒濕痺去三蟲補

腎氣興陽道堅長陰莖添精髓秘精止小便

利暖腰膝療耳鳴止女人月水不定老人尿

不節久服輕身明目強力長年○核能滑精

五加皮 味辛苦氣溫微寒無毒遠志為之使畏蛇皮玄參

五月七月採莖
十月採根陰乾

主心腹疝氣腹痛益氣療雙小兒不能行痘

瘡陰蝕男子陰痿囊濕小便遺瀝女人陰痒

腰脊痛脚痺痛風弱五緩治多年瘡血在皮

肌補中益精堅筋骨強志意久服輕身耐老

釀酒飲治風痺四肢攣急延年不死仙經藥

也

杜仲 味辛甘氣平溫氣味俱薄陽也無毒使玄參丸使玄參絲

主腰脊痛補中益精氣堅筋骨強志除陰下

濕痒小便遺瀝脚中酸疼不欲踐地久服輕

身耐老

南藤

即丁公藤生依南樹故云

味辛氣溫無毒

主風血補衰老起陽強腰脚除痺逐冷氣排風邪煮汁服亦浸酒冬月用之

石南

臣

味辛苦氣平有毒

五加皮為之使二月四月採葉八月採實

陰

主養腎氣內傷陰衰利筋骨皮毛療脚弱五臟邪氣除熱女子不可久服令思男○實殺蠱毒破積聚逐風痺

女貞實

味苦甘氣平無毒

立冬採葉似冬青樹或云即冬青也

主補中安五臟養精神除百疾久服肥健輕

身不老

桑根白皮

使味甘辛氣溫無毒入手太陰經續

楮心麻子為之使惡鐵及鉏東行者佳出土上者殺人採無時刮去青黃薄皮勿令皮上涎落入藥炒用

主傷中五勞六極羸瘦崩中脉絕補虛益氣瀉肺氣有餘喘嗽唾血虛勞客熱消痰止渴去肺中水氣浮腫腹滿利水道去寸白作線可以縫金瘡更以熱鷄血塗之唐安金藏剖腹用此法○桑葉主除寒熱風痛出汗煮汁服主霍亂腹痛益授傅治蛇蟲蜈蚣咬○桑

杖條細剉水煎濃汁可常服療徧體風痒脚
氣風氣拘攣肺嗽口乾利小便輕身聰明○
桑皮中白汁主小兒口瘡及驚口舌上生瘡
傳之神效又塗金刃傷燥痛瀕止血止更剝
白皮裹之令汁得入瘡中良冬月用根皮蛇
咬蜈蚣蜘蛛毒傳之效○桑耳味甘有毒黑
者主女子漏下赤白汁血病癥瘕積聚陰痛
陰陽寒熱無子黃熟陳白者止久洩益氣金
色者治癰飲積聚腹痛金瘡○桑榭曝乾搗
末蜜和丸服主消渴治金石發熱久服不飢

變白不老取黑者一斤和科斗子一斤瓶盛
封閉懸屋東頭一百日化爲黑泥染白髮如
漆又取二七枚和胡桃脂研如泥按去白髮
點孔中卽生黑

桑上寄生臣味苦甘氣平無毒桑木氣厚生意

然生出採莖葉陰乾九輪棒柳楓等自
皆有寄生唯桑上者佳假桑之氣耳

主腰痛小兒背強癰腫安胎充肌膚堅髮齒
長鬚眉主金瘡去痺女子崩中不足懷妊漏
血不止產後餘疾下乳汁其實明目輕身通

神

南燭枝葉

味苦氣平無毒

南方謂之黑飯樹

止泄除睡強筋益氣力久服輕身長年不飢
變白去老取莖葉搗碎漬汁浸粳米九浸九
蒸九曝米粒正黑袋盛之可適遠方日進一

合不飢取汁炊飯名烏飲

合歡

即夜合對味甘氣平無毒

探皮及葉用不拘時

主安五臟利心志令人歡樂無憂補陰有捷
功久服輕身明目得所欲又皮煎膏消癰腫
續筋骨葉可洗衣垢

益智子

味辛氣溫無毒入手足太陰經足少

陰經主君相二火

去皮用

主遺精虛漏小便遺瀝益氣安神補不足安
三焦調諸氣治脾胃中受寒邪止嘔噦攝涎
唾當於補中藥內兼用之夜多小便者取二

枚碎入盞同煎服有奇驗

榆皮

味甘氣平性滑利無毒

二月採皮取白暴乾八月採實

並勿令中濕濕則傷人

主大小便不利通水道除邪氣消腫毒塗諸
瘡滑胎久服輕身不飢又令人多睡○其實
尤良味微辛能助肺氣殺諸蟲消心腹間惡

氣卒心痛療小兒頭瘡疔疔又塗諸瘡癬妙
○花主小兒疔小兒頭瘡疔疔又塗諸瘡癬妙

小兒白禿瘡搗皮末醋和娠娠滑胎易產

焙搗末臨月日三服
方十七令產極易

乾漆臣味辛鹹氣溫有毒半夏爲之使畏鷄子

癰則不乾入
藥搗碎炒用

主絕傷補中續筋骨填髓腦安五臟五緩六

急風寒濕痺消瘡血痞結腰痛女子疔瘕癥

堅經脉不通削年深積治血氣心痛去虵殺

三蟲生漆去長蟲久服輕身耐老

蔓荊實 味苦辛甘氣微寒溫陽中之陰無毒

太陽經藥惡烏頭
石膏

主筋骨間寒熱濕痺拘攣明目堅齒利九竅

去白蟲久服輕身耐老主風頭痛腦鳴目淚

出治太陽頭痛頭昏悶散風邪除目睛內痛

牡荊實 味苦氣溫無毒防風爲之使
惡石膏陰乾

主除骨間寒熱通利胃氣止欬逆下氣○取

莖截於火上燒承取瀝飲之去心闕煩熱頭

風旋目眩心頭養養欲吐卒失音小兒心熱

驚癇止消渴除痰嘔氣實痰盛人宜服之丹

溪云虛痰用竹瀝實痰用荆瀝二味開經絡
行血氣俱用薑汁助送

辛夷

臣

味辛氣溫無毒

畏藜蘆之使惡五石脂
畏藟藟蒲蒲黃黃連石膏

採實暴乾用之去心及
外毛毛射入肺令效

主五臟身體寒熱風頭腦痛面黥溫中解肌

利九竅通鼻塞涕出洽面腫引齒痛眩暈生

鬢髮去白蟲久服下氣輕身明目增年耐老

木蘭

味苦氣寒無毒

十二月採
皮陰乾

主身大熱在皮膚中去面熱赤皰酒皰惡風

癩疾陰下痒濕明耳目

麴核

使味甘氣溫

採實去核
殼陰乾

主心腹邪結氣明目目赤痛傷淚出目腫皆

爛眼風痒

釣藤

臣味甘苦氣微寒無毒

三月
採

主小兒寒熱十二驚癇客忤胎風惟療小兒

秦皮

味苦氣寒無毒

大戟爲之使惡
吳茱萸更陰乾

主風寒濕痺洗洗寒氣除熱目中青腎白膜

肝中久熱兩目赤腫疼痛風淚不止療男子

少精婦人帶下小兒癩身熱作湯浴差水煎

澄清點洗赤眼極效久服頭不白輕身

密蒙花

味甘氣平微寒無毒

凡用酒浸一宿候乾却搗蜜合

調蒸之日乾

主青盲膚腎赤澁多眵淚消目中赤眦小兒

焚豆及疳氣攻眼

欒華

味苦氣寒無毒

决明為之使五月採花

主目痛淚出傷腎消目腫南人取以合黃連

作煎療目赤爛甚効

仙人杖

味鹹氣平無毒

此是筍欲成竹時立死者色黑如漆五六

月收之

主噦氣嘔逆辟疝小兒吐乳大人吐食並水

煮服小兒驚癇及夜啼安身伴睡良又痔病

燒為末服方寸匕

丁香

臣

味辛氣溫純陽無毒入手太陰足陽明

少陰經

主溫脾胃止霍亂嘔逆冷氣腹痛風毒諸腫

治口氣齒疳蠶腎氣賁豚壯陽暖腰膝有大

如棗核者名母丁香為末實紗囊如小指納

陰中主陰冷病能變白以生薑汁和按去白

鬚塗孔中即異常黑

蘇合香

味甘氣溫無毒

此香來從西域云是諸香汁煎之色赤黃

主辟惡殺鬼精物温瘡蠱毒潤痊去三蟲除
邪令人無夢魘

沉香

味辛氣温陽也無毒

入水淘而中實不空者佳

療風水腫毒去惡氣補右尺命門壯元陽暖
腰膝散滯氣保和衛氣用爲使上而至天下
而至泉無所不之又止轉筋吐瀉冷氣麻痺
骨節不任濕風皮膚痒心腹痛氣痢

藿香

味甘辛氣微温陽也入手足太陰經

療風水腫毒去惡氣治口臭霍亂心痛芳香
之氣助脾開胃温中快氣治吐逆爲最要之

藥上焦壅煎湯嗽口

入順氣烏藥則理肺入黃耆四君子湯則

理脾

紫真檀

味鹹辛氣温無毒入手太陰足少陰

經通行陽明經

主惡毒風毒醋和塗傳之末傳金瘡止血止
痛妙又治心腹痛霍亂中惡鬼氣

能調氣而清香引芳香之物上行最宜橙
橘之屬佐以薑棗將以藟根豆寇縮砂益
智通行陽明之經在胃膈之上處咽嗑之

中同爲理氣之劑

龍腦香及膏香

味辛苦氣溫屬陽無毒

出波律國

形似白松樹作杉木氣明淨味若梅花瓣者甚佳膏乃根下清液破木作坎而承之者清香爲百藥先萬物中香無出其右者

主心腹邪氣風濕積聚耳聾明目去目赤膚

翳通利關膈熱塞大人小兒風涎閉壅及暴

驚熱

丹溪云厲火世知其寒而通利然未達其

煖而輕浮飛揚局方但喜其香而貴細動

輒與麝同用爲桂附之助然人身陽易動

陰易虧幸思之愚按龍腦性大辛善走故

能散熱通利結氣古今方目痛喉痺下疳

多用之者取辛散也人欲死者吞之氣散

盡也世人誤以爲寒不知辛散性甚似乎

涼耳諸香皆屬陽豈有香之至者而反寒

乎○治時疾發豌豆瘡及赤瘡心煩狂躁

氣喘妄語

取一錢細研旋滴猪心血和丸如鷄頭大海服一九紫草湯下

少時心神便定瘡收散

安息香

味辛苦氣平無毒

主心腹惡氣鬼疰治邪氣魍魎鬼胎蠱毒燒

之去鬼來神辟衆惡

杉材 味辛氣温屬陽無毒須油杉良

主療漆瘡取節作屑水煮汁浸洗脚氣腫滿

殊效煎木屑服之療心腹脹痛去惡氣

乳香 味辛苦氣温陽也入丸散微炒

療風水腫毒去惡氣療諸瘡調血氣定諸經

之痛治心腹痛耳聾中風口噤又催生煎膏

止痛長肉

檳榔 君 味辛苦氣温味厚氣輕陰中陽也無毒

收若鷄心正穩尖長心不虛中有錦文者良

主消穀逐水除痰癖治心痛殺三蟲伏尸寸

白治後重如神墜諸藥至枉極下破滯氣泄

胃中至高之氣南方人食之以祛障厲又脚

氣衝心大者一箇為末薑便薑汁温酒共半盞調

枳殼 使 味苦酸辛氣微寒味薄氣厚陽也陰中

微陽無毒陰乾陳久者良去瓢核麩炒令熟用

主胃膈痞塞散結氣逐水消脹滿安胃化痰

涎消食破癥結疔癰除寒熱結痢長肌肉利

五臟走大腸泄肺氣填胃中至高之氣勿多

用又治遍身風疹風痛犬風在皮膚中如麻

豆苦痒通利關節主皮毛胃膈之病

腸風痔疾

一方同黃耆各半斤糊為左米飲下二十九

湖陽公

主胎肥難產方士進瘦胎散

用四兩和草二兩為末

空心服大錢七茶清點服

枳實

味苦酸氣寒純陰無毒陳久者良

主胃膈痰癖逐停水破結實消脹滿心下急

痞痛去脾經積血故治心下痞脾無積血則

不痞也故傷寒結胃用之又治逆氣脅風痛

消宿食安胃氣

本經不分殼殼大性詳而緩治高高者主

氣治在胃膈實小性酷而速治下下者主

血治在心腹故有高低緩急之分

厚朴

臣味苦辛氣溫陽中之陰無毒乾薑為之使惡澤瀉

寒水石消石陰乾肉厚紫色者

主中風傷寒頭痛寒熱驚悸氣血痺死肌去

三蟲溫中益氣消痰下氣厚腸胃走冷氣瘰

霍亂胃中冷逆嘔吐酸水洩利淋露消宿食

破宿血治腹痛脹滿散結之神藥

若虛弱人雖腹脹宜斟酌用之誤服脫人

元氣與枳實大黃同用能泄實滿是消痰

癰大腸水脹蕩滌五臟六腑開通閉塞利水
殺道女子月閉絞腹臍蟲去惡肉排膿消腫
除鬼毒蠱疰邪物殺蟲魚斑猫蛇虺毒人吞
一粒便欲死而鼠食之三年重三十斤物性
乃有相耐如此

此斬關奪門之將不可輕用若急治為水
穀道路之劑去皮心膜油生用若緩治為
消堅磨積之劑炒烟去令紫黑研用丹溪
云去胃中寒積無寒積者勿用○箭鏃入
骨不可拔取微熬燒壞同研塗傷處漬史
痛定微痒恐待極痒不可忍便

以生肌膏傳之無不皆瘡

天使使惡味辛鹹氣温有小毒引入厥陰經栢貫

乾如猪牙者良去皮干酥炙用不入湯藥

主風痺死肌邪氣風頭淚出利九竅通關節

殺精物勞蟲瘰腹脹滿破堅癥墮胎可為沐

藥治卒中風昏迷鬼魘不悟卒死卒頭痛為

末吹鼻中投茱萸酒中盡取其精火內煎成膏

塗帛貼一切腫毒無止疼痛○皂角針治瘡

中用之直達瘡所又米醋煎嫩刺作濃煎傳

瘡癰奇效

一人患大風惡疾用利一、二斤為灰，蒸又
黃湯調一錢匕服
旬鬚眉再生愈

大腹

味辛氣微溫無毒鴉鳥多棲此樹上宜先酒洗仍以大豆汁

洗方可用

主冷熱氣攻心腹犬腸壅毒痰膈醋心並以
薑薑同煎入踈氣藥良下一切氣健脾開胃
烏臼木根皮 味苦氣微溫有毒

主暴水癥結積聚又治大便不通用此木方
停一寸劈破水煎取小半盞服之立通不用
多兼能取水又解蛇毒

猪苓臣味甘苦而淡氣平無毒入足太陽經少
陰經

主痲瘰解毒蠱瘕不祥除濕利水道久服輕
身耐老治渴解傷寒溫疫大熱發汗又治腫
脹滿從脚上至小腹腫此藥行水之功多大
燥亡津液無濕證勿用久服損腎昏目

郁李仁

臣味酸苦氣平陰中之陽無毒

主大腹水腫面目四肢浮腫利小便水道腸
中結氣關格不通破血潤燥○根主齒斷腫
齩齒堅齒前煎濃汁含嗽之

芩菜更 味辛苦氣溫大熱氣味俱厚陽中陰

也有毒入足太陰少陰厥陰經黃實為之使惡丹參消石

畏崇石黃九月九日採陰乾元用先杵湯中浸去苦汁元六七過然後用

主溫中下氣止痛欬逆寒熱除濕血痺逐風邪開腠理治寒邪所膈氣不得上下脾胃傷冷冷氣閉胃心腹絞痛不可忍霍亂轉筋嘔逆胃滿及治下焦寒濕疝痛寒氣諸藥不可代也脚氣衝心可和生薑汁飲之良下氣最速腸虛人服之愈甚○根殺三蟲下寸白東南行者良○南行枝主大小便卒關格不通

斷如手第二指半節合之即下

椒 味苦辛氣溫有毒梔櫛櫛防葵畏黃去開口者

主風邪氣溫中除寒痺堅齒髮明目除雲膜女人月閉不通產後惡血痢多年痢腹中冷痛出汗利五臟久服輕身好顏色耐老增年通神

蜀椒 使 味辛氣溫大熱有毒杏仁為之使畏欬微使使出汗取紅去黃殼去目

主邪氣欬逆溫中逐骨節皮膚死肌寒濕痺痛下氣除六腑寒冷傷寒溫瘧大風汗不出

心腹冷氣痛除齒痛吐陽瘵陰汗縮小便開
腠理通血脉堅齒髮明目殺鬼疰蠱毒虫魚
蛇毒久服之頭不白輕身增年又云多食令
人乏氣又十月勿食之口閉者殺人○椒目
味苦辛有小毒能行水治水蠱又治盜汗尤
功將目微炒搗為極細末用半錢匕以生猪
上唇煎湯一合調臨睡服效

蛇入口中不得出

用刀破蛇尾縮生椒三粒裹着漬史即出

漆瘡煎湯

洗之齒痛醋煎有人陰冷漸漸冷氣

入陰囊腫滿日夜疼悶

揀淨椒以布帛裹着丸囊令厚半寸

頁史熱氣大通日
再易之取消差

胡椒

味辛氣大温無毒屬火而有金性燥

主下氣温中去寒痰止霍亂心腹冷痛及冷
痢調食用之味甚辛辣快膈殺一切魚肉蠶
蕈毒不可多服大傷脾胃氣積久而大

棟實

味苦氣寒陰中之陽有小毒有雄雌二種根白生

子者為雌服食用此無
子雄者誤服吐瀉殺人

主温疾傷寒大熱煩狂殺三蟲疥瘍利小便
水道入心主上下部腹痛心暴痛○椴東行
者煮汁服療蛇蟲甚效○皮治遊風熱毒風

本中藥卷四
羸惡瘡疥癩禿瘡并煎湯浸洗

訶梨勒

味苦酸氣溫性急喜降無毒六稜黑
色肉厚

者良取皮
去核用

主冷氣心腹脹滿胃膈結氣泄逆氣消痰除
煩下食開胃澀腸止久痢赤白及氣痢霍亂
吐瀉又治肺氣因火傷極鬱遏脹滿喘急咳
嗽味酸苦故有收斂降火之功氣虛者亦少
用痰嗽咽喉不利含二三枚殊勝

麒麟竭

味甘鹹氣平有小毒勿誤用海母血
最相似但血竭

鹹而甘似梔子氣嚼
之不爛如臘者上

主五臟邪氣帶下止痛破積血金瘡生肉傅
一切惡瘡疥癬久不合者亦不可多使却引

膿主打傷損折內傷血聚並宜酒服

沒藥

味苦辛氣平無毒生波斯國似
安息香色黑

主破血止痛療金瘡杖瘡諸惡瘡痔漏卒中
血目中腎暈痛膚赤婦人產後血氣痛治打
撲損折血滯腫痛不可忍皆以酒投飲之良

紫葳

臣即萎
香花味酸氣微寒無毒根
鹹

主婦人產乳餘疾崩中帶下癥瘕血閉寒熱
羸瘦養胎治血中痛之要藥也又治酒鱗熱

毒風刺風○柏葉味苦主痿蹙益氣亦與花

同功

松烟墨

味辛無毒龍者不堪非松烟者不入藥

止血生肌膚合金瘡主產後血暈崩中卒下血醋摩服之亦主眯目物芒入目摩點瞳子

上又止血痢及小兒客忤搗篩和水溫服之

赤白痢

乾薑好墨各五兩為末醋漿和丸如桐子大服三四丸米飲下日夜可六

七服效產後血暈研墨服一升

衛矛

使一名鬼箭味苦氣寒無毒八月採陰乾用之削取皮羽

主女子崩中下血腹滿汗出除邪殺鬼毒蠱

疰中惡腹痛療婦人血氣大效能落胎

虎杖根

氣微溫

主通利月水破留血癥結惡瘕撲損瘀血酒

漬根服之

天竺黃

味甘氣寒無毒

此竹內所生如黃土着竹成片者一名竹

膏

主小兒驚風天吊客忤痰壅失音鎮心明目

去諸風執療金瘡止血滋養五臟小兒藥最

宜和緩故也

蘇方木

味甘鹹酸氣平陽中之陰無毒

本草綱目卷四
主破血排膿止痛消癰腫撲損瘀血治婦人
血氣心腹痛月候不調血噤血暈產後血脹
悶欲死者酒煮五兩取濃汁服之效

椰子皮 味苦氣平無毒

止血止鼻衄吐逆霍亂煮汁服之○穀中肉
益氣去風○粿服之主消渴塗頭益髮令黑

欖櫚子

澁腸止瀉痢腸風崩中帶下及養血○肉味
苦澁氣平止鼻衄吐血破癥治崩中帶下腸
風赤白利入藥燒作灰不可絕過作繩入土

千年不爛

楓香脂一名白膠香味辛苦氣平性疎通無毒

主癰疹風痒浮腫齒痛外科家要藥○大楓

子主風瘡疥癬殺蟲

柳華使一名柳絮味苦氣寒無毒物生有黃葉者為花及花乾絮方出

絮之下有小黑子隨絮而飛

主風水黃疸面熱黑赤疥惡瘡金瘡○絮止

血帖灸瘡良○葉主馬疥疔瘡煎煮以洗馬

疥立愈○實主潰癰逐膿血○枝葉及根皮

煎作膏塗癰疽腫毒丁瘡妬乳○枝細剉煎

汁含之治牙齒痛

蕪荑

使味辛氣平無毒三月採實陰乾

主五內邪氣散皮膚骨節中淫淫溫行毒去

三蟲逐寸白化食治腸風痔瘻惡疥癬

雷丸

君味苦鹹氣寒有小毒 効實厚朴為之使 惡藟根入藥炮用

赤者殺人

主殺三蟲逐毒氣胃中熱利丈夫不利女子

作摩膏除小兒百病除皮中熱結積蠱毒白

虫寸白自出不止久服令人陰痿

白棘

一名棘針小棗也 味辛氣寒無毒

主心腹痛癰腫潰膿止痛決刺結

五倍子

味苦酸氣平無毒

療齒宣疳蠱肺臟風毒流溢皮膚作風濕癬

瘡瘙痒膿水五痔下血小兒面鼻疳瘡末摻

口瘡效煎燈汁洗眼去熱風濕痒腫痛噲口

中治頑痰有功又解諸熱毒又治腸虛泄痢

收斂之劑也

黃藥根

味苦氣平無毒

主諸惡瘡痿喉痺蛇犬咬毒取根研服之亦

含亦塗又治馬心肺熱等疾

椿木葉 味苦澁氣寒有毒無花不實者為椿有花而實者為樗

主洗瘡疥風疽水煮葉汁用之○皮主疝

○樗木根葉尤良樗白皮使主赤白久痢及

小兒疝痢殺口鼻中疝蟲及蛔蟲腸滑痔疾

瀉血不住女子血崩月信未多赤白帶下取

東引細根皮水煮服之又能縮小便入藥蜜

炙用

桐葉 味苦氣寒無毒桐有四種未詳孰是此用者

主惡蝕瘡着陰皮主五痔殺三蟲○柘主傳

猪瘡飼猪肥大三倍

梓白皮 味苦氣寒無毒

主熱去三蟲療目中疾煎湯洗小兒壯熱一

切瘡疥皮膚搔痒○藥搗傳猪瘡飼猪肥大

三倍

釣樟根皮俗呼鳥樟

主金瘡止血治貴豚脚氣水腫煎服并煎湯

洗瘡癢疥癬中惡心腹痛鬼疰霍亂腹脹酒

煮服之

樺木皮 味苦氣平無毒

主諸黃疸濃煮汁飲之又主時行熱毒豌豆

瘡特良又乳癰初發腫硬以無灰酒服方寸匕卧及覺差

千金藤 生北地者根大如指色黑似
秦生南土者黃赤如細辛

主一切血毒諸氣霍亂中惡天行虛勞瘧瘵
痰嗽不利癰腫蛇犬毒藥石發癩癩悉主之

櫛實 味甘無毒

主五痔去三蟲蠱毒食其子良此肺家果也
不可多啖引火入肺滑大腸

木鼈 味甘氣溫無毒

主折傷消結腫惡瘡生肌止腰痛肚門腫痛

婦人乳痛

桃竹筍 味苦有小毒

主六畜瘡中蛆搗碎納之蛆盡出

梳篦

主蝨病活蝨入腹為病如癢瘵者煮汁服又
梳篦垢主小兒惡氣霍亂水和飲之

敗窠

主蚊子新造屋柱下四隅埋之蚊永不入燒
為末和粉粉身上主汗穢敗者佳